



Na osnovu člana 56. Zakona o organizaciji organa uprave u Federaciji BiH ("Službene novine Federacije BiH", broj: 35/05), člana 52. Zakona o izvršenju Budžeta Bosansko-podrinjskog kantona Goražde za 2026. godinu („Službene novine Bosansko-podrinjskog kantona Goražde“, broj: 13/25) i člana 5. Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24, 3/24-Ispravka i 4/24), a u skladu sa Programom utroška sredstava sa ekonomskog koda 614 200 «Tekući transferi pojedincima» na koji je Vlada Bosansko-podrinjskog kantona Goražde dala saglasnost Odlukom broj: 03-11-74/26 od 15.01.2026.godine i Zaključka Vlade Bosansko-podrinjskog kantona Goražde broj: 03-11-174/26 od 29.01.2026.godine, Ministarstvo za boračka pitanja Bosansko-podrinjskog kantona Goražde **r a s p i s u j e**:

JAVNI POZIV

za podnošenje zahtjeva za ostvarivanje određenih prava
branilaca i članova njihovih porodica u 2026.godini
utvrđenih Zakonom o dopunskim pravima branilaca i članova njihovih porodica
u Bosansko-podrinjskom kantonu Goražde

I PREDMET JAVNOG POZIVA

Predmet javnog poziva je finansiranje dopunskih prava branilaca i članova njihovih porodica utvrđenih Zakonom o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine BPK Goražde“, broj: 2/24, 3/24-Ispravka i 4/24, u daljem tekstu: Zakon), u skladu sa raspoloživim sredstvima obezbjeđenim u Budžetu Ministarstva za boračka pitanja Bosansko-podrinjskog kantona Goražde za 2026.godinu sa ekonomskog koda 614 200 – „Tekući transferi pojedincima“ (u daljem tekstu: Program) i to:

1. Zdravstvena zaštita;
2. Pomoć u liječenju branilaca i članova njihovih porodica;
3. Participacija troškova za nabavku lijekova koji nisu na esencijalnoj listi;
4. Banjsko i klimatsko liječenje;
5. Naknada putnih troškova i troškova za liječenje u inostranstvu;
6. Medicinsko vještačenje zdravstvenog stanja pripadnika b/p;
7. Pravo na participaciju troškova za priključak na infrastrukturne mreže (voda, električna energija i kanalizacija);
8. Naknada troškova (poreza) za promet nepokretnosti za djecu bez oba roditelja i RVI 100% I grupe;
9. Participacija troškova naknade za dodijeljeno građevinsko zemljište na korištenje i naknade za uređenje gradskog građevinskog zemljišta;
10. Smještaj u penzionerske domove i gerontološke centre;
11. Besplatna i povlaštena vožnja;
12. Novčana egzistencijalna naknada;
13. Jednokratna novčanu pomoć za socijalne i druge potrebe branilaca;
14. Posebna prava dobitnika ratnih priznanja i odlikovanja;
15. Dječiji dodatak za djecu ratnih vojnih invalida;
16. Participacija troškova dženaze-sahrane i
17. Podizanje nišana - nadgrobnih spomenika poginulim braniocima i umrlim dobitnicima najvećih ratnih priznanja i odlikovanja.

Radi ostvarivanja ostalih prava branilaca i članova njihovih porodica utvrđenih Zakonom, nakon obezbjeđenja preduslova, raspisati će se posebni javni pozivi od strane Ministarstva za boračka pitanja Bosansko-podrinjskog kantona Goražde odnosno organa nadležnih za implementaciju pojedinih prava.

II PRAVO UČEŠĆA

Na javni poziv, zahtjeve mogu podnositi lica iz člana 1. Zakona i to: članovi porodice šehida, poginulog, umrlog, nestalog branioca i umrlog vojnog invalida, vojni invalidi i članovi njihovih porodica, dobitnici ratnih priznanja i odlikovanja, članovi porodice poginulih, umrlih i nestalih dobitnika ratnog priznanja i odlikovanja, demobilizirani branioци i članovi njihovih porodica, članovi porodica umrlih demobiliziranih branilaca, dobrovoljaci, organizatori otpora, veterani i ratni vojni zarobljenici sa područja Bosansko-podrinjskog kantona Goražde i susjednih opština u RS.

III PODNOŠENJE ZAHTJEVA

Za priznavanje i ostvarivanje prava navedenih u poglavlju I javnog poziva pod rednim brojem: 1, 4, 6, 9, 11, 12, 15. i 16. **zahtjevi se podnose gradskoj/općinskoj službi za boračko-invalidsku zaštitu** prema mjestu prebivališta podnosioca zahtjeva. Obrasci zahtjeva za ostvarivanje ovih prava mogu se preuzeti u prostorijama gradske/općinskih službi za boračko invalidsku zaštitu.

Za priznavanje i ostvarivanje prava navedenih u poglavlju I javnog poziva pod rednim brojem: 2, 3, 5, 7, 8, 10, 13, 14. i 17. **zahtjevi se se podnose Ministarstvu za boračka pitanja Bosansko-podrinjskog kantona Goražde** putem pošte na adresu 1. Slavne višegradске brigade broj 2a, 73000 Goražde ili direktno predaju na pisarnicu Bosansko-podrinjskog kantona Goražde tokom radnih dana u periodu od 08⁰⁰ - 16⁰⁰ sati. Obrasci zahtjeva za ostvarivanje ovih prava mogu se preuzeti na službenoj web stranici ili u prostorijama Ministarstva za boračka pitanja Bosansko-podrinjskog kantona Goražde.

IV ROK ZA PODNOŠENJE ZAHTJEVA

Zahtjevi za priznavanje i ostvarivanje prava navedenih u poglavlju I javnog poziva pod **rednim brojem: 17. podnosi se na propisanom obrascu najkasnije do 30. septembra tekuće godine**, zahtjevi za priznavanje i ostvarivanje prava navedenih u poglavlju I javnog poziva pod rednim brojem: 2, 3, 5, 7, 9. i 13. podnose se na propisanom obrascu najkasnije do **30. novembra tekuće godine**, dok se zahtjevi za priznavanje i ostvarivanje prava navedenih u poglavlju I javnog poziva pod rednim brojem 1, 4, 6, 8, 10, 11, 12, 14, 15. i 16. podnose se na propisanom obrascu **kontinuirano tokom godine, odnosno do utroška raspoloživih sredstava utvrđenih Programom.**

Zahtjevi za priznavanje i ostvarivanje prava na participaciju troškova dženaze/sahrane, uz priložene dokaze o ispunjavanju uslova, podnose se najkasnije u roku jedne godine u odnosu na datum smrti pripadnika boračke populacije.

V USLOVI I NAČIN OSTVARIVANJA PRAVA

Uslovi, način i postupak ostvarivanja prava navedenih u poglavlju I javnog poziva utvrđeni su odredbama Zakona o dopunskim pravima branilaca i članova njihovih porodica u Bosansko-podrinjskom kantonu Goražde i podzakonskim aktima donesenim, uz saglasnost Vlade Bosansko-podrinjskog kantona Goražde, od strane Ministra za boračka pitanja. Isti se mogu preuzeti na web stranici Ministarstva.

Broj: 11-11-92/26

Goražde, 30.01.2026.godine

DOSTAVITI:

1. Oglasna ploča Kantona;
2. WEB stranica Vlade i Ministarstva BPK Goražde i
3. Evidencija.

